

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 242739 24 St
Zenica, 04.11.2025. godine

Općinski sud u Zenici, stečajna sutkinja Sanja Pavlić, u stečajnom postupku nad društvom „PRIMUS“ Trgovinsko, ugostiteljsko, građevinsko i saobraćajno društvo Maglaj, d.o.o., Željeznička ulica b.b., Maglaj, odlučujući o prijedlogu za zaključenje stečajnog postupka koji je podnesen od strane stečajnog upravitelja Kulačić Senaudina, nakon održanog ročišta 17.04.2025. godine kome je prisustvovao stečajni upravitelj Senaudin Kulačić i u odsustvu uredno obaviještenih povjeritelja, donio je 04.11.2025. godine sljedeće:

R J E Š E N J E

Zaključuje se stečajni postupak nad imovinom društva „PRIMUS“ Trgovinsko, ugostiteljsko, građevinsko i saobraćajno društvo Maglaj, d.o.o., Željeznička ulica b.b., Maglaj, namirenjem razlučnog povjeritelja u iznosu od 946,65 KM, što u procentu iznosi 0,016 %.

Pravomoćno rješenje o zaključenju stečajnog postupka dostavit će se Registru društava ovog suda, radi brisanja stečajnog dužnika koji je upisan pod MBS: 43-01-0247-18.

Ovo rješenje će se objaviti u „Službenim novinama Federacije BiH“, WEB stranici suda i oglasnoj tabli suda. Po proteku roka od pet sljedećih radnih dana od objave na oglasnoj tabli suda i WEB stranici suda dostava se smatra izvršenom, a u „Službenim novinama Federacije BiH“, dostava se smatra izvršenom istekom pet dana od dana oglašavanja.

O b r a z l o ž e n j e

Ročište za glavnu diobu po Prijedlogu stečajnog upravitelja od 20.08.2025. godine, održano je 08.10.2025. godine. Stečajni upravitelj je na ročištu naveo da je Rješenjem Općinskog suda u Zenici broj: 43 0 St 242739 24 St, od 10.03.2025. godine otvoren je stečajni postupak nad imovinom stečajnog dužnika „PRIMUS“ Trgovinsko, ugostiteljsko, građevinsko i saobraćajno društvo Maglaj d.o.o., Željeznička ulica b.b., 74250 Maglaj, matični broj subjekta 43-01-0555-09 (stari broj 1-6637), JIB: 4218265530001, te da stečajni upravitelj, postupajući u skladu sa članom 188. Zakona o stečaju Federacije Bosne i Hercegovine („Službene novine FBiH“, broj 53/21 i 19/25 - u daljem tekstu: Zakon o stečaju), podnio sudu prijedlog za održavanje ročišta završne diobe unovčene imovine stečajnog dužnika „PRIMUS“ d.o.o. MAGLAJ - U STEČAJU, a u skladu sa odredbama zakona i rezultatima unovčenja imovine na kojoj je postojalo razlučno pravo. Izjavio je da je na ispitnom i izvještajnom ročištu održanom 17.06.2025. godine, Skupština povjeritelja donijela Odluku da se unovči imovina društva PRIMUS doo Maglaj, a koju imovinu čini 14 dionica ASA Banke dd Sarajevo, a na kojim razlučno pravo ima Porezna uprava F BiH.

Izjavio je da što se tiče toka imovine stečajnog dužnika u stečajnoj masi stečajnog dužnika evidentirane su dionice društva ASA Banka d.d. Sarajevo - 14 dionica, Oznaka: IKBZRK2, Nominalna vrijednost: 100,00 KM, na navedenim dionicama je postojalo upisano razlučno pravo u korist povjeritelja Porezna uprava Federacije Bosne i Hercegovine, Kantonalni porezni ured Zenica na osnovu Zahtjeva za upis zakonskog založnog prava i zabrane raspolaganja dionicama kod Registra vrijednosnih papira u FBiH. Izjavio je da je o namjeravanoj prodaji i načinu prodaje shodno odredbi člana 167. Zakona o stečaju informirao razlučnog povjeritelja i to u dane 24.06.2025. godine i 07.08.2025. godine, te da razlučni povritelj nije imao primjedbe na predloženi način unovčavanja dionica, pa je prodaja izvršena putem brokera Raiffeisen banke BiH dd Sarajevo na Sarajevskoj berzi, po tržišnoj cijeni od 191,01 KM po jednoj dionici formiranoj na dan prodaje, u ukupnom iznosu od 2.674,08 KM. Izjavio je da od dobijene cijene je izvršeno umanjeње za iznos od 52,21 KM na ime provizije, nakande berzi, troškova registra i provizija banke, a na račun je uplaćen iznos od 2.621,87 KM.

Istakao je da će se shodno odredbi člana 168. Zakona o stečaju FBiH prodajom dionica, iz dobijenog iznosa, najprije dio koristiti za namirenje troškova stečajne mase koji se odnose na čuvanje, obezbjeđenje, identifikaciju prava i unovčavanja, a ostatak ostvarenog iznosa koristi se za namirenje razlučnog povjeritelja bez odgađanja, te da troškovi čuvanja, obezbjeđenja, identifikacije prava i unovčavanja iznose: 1.675,22 KM, a isti se sastoje od: Izrade pečata 30,00 KM, Putni troškovi puta Zenica-Maglaj 23,47 KM, Izmjena podataka u Upravi za indirektno oporezivanje i izdavanje novog PDV Uvjerenja 40,00 KM, Promjena podataka u Registru vrijednosnih papira FBiH 25,00 KM, Trošak ovjere notara 5,85 KM, Promjena podataka u Upravi za indirektno oporezivanje BiH - transakcijskog računa 10,00 KM, Aktuelni izvod iz sudskog registra (za potrebe potpisa ugovora sa brokerom) 40,00 KM, Potvrda o stanju na računu Registra vrijednosnih papira u F BiH 20,00 KM, troškovi poštarine i provizije 30,9 KM ukupno 227,27 KM. Stečajni upravitelj je izjavio da su planirani troškovi postupka do zaključenja stečajnog postupka, a koji se odnose na naknadu banke za vođenje računa, troškovi objave oglasa u službenim novinama, naknada za zatvaranje UIO BiH, Porezna Uprava, naknada FIA uz dostavu završnog računa, i dr. iznose ukupno 250,00 KM, a nagrada za rad stečajnog upravitelja iznosi ukupno 1.200,00 KM bruto, te da je iznos raspoloživ za namirenje razlučnog povjerioca iznosi 946,65 KM. Također je izjavio da na račun stečajnog dužnika otvoren kod ASA Banke d.d. Sarajevo, od strane Uprave za indirektno oporezivanje BiH uplaćen iznos od 62,05 KM na ime povrata PDV-a, te da je ASA Banka d.d. Sarajevo za troškove vođenja računa do sada naplatila 60,00 KM, pa stanje računa stečajnog dužnika na dan 15.08.2025. godine iznosi 2.623,92 KM. Izjavio je da ukupan iznos priznatih potraživanja iznosi 5.914.442,41 KM, da je povjeriteljima općeg isplatnog reda namirenje 0,00 KM - 0 %, a nakon namirenja troškova čuvanja, obezbjeđenja, identifikacije prava i unovčavanja imovine, te uplate preostalog iznosa razlučnom povjeritelju, u stečajnoj masi neće ostati sredstava za raspodjelu drugim povjeriteljima za njihove priznate tražbine. Stečajni upravitelj je predložio da sud na ročištu da suglasnost na prijedlog glavne diobe kao i da se ne zakazuje posebno ročište za zaključenje stečajnog postupka nego da sud nakon što stečajni upravitelj izvrši diobu, dostavi sudu dokaze o izvršenoj diobi, donese odluku o zaključenju stečajnog postupka.

Sud je na ročištu donio rješenje kojim je dao saglasnost na glavnu diobu.

Stečajni upravitelj je 21.10.2025. godine u spis suda dostavio Završni Izvještj o aktivnostima u stečajnom postupku i dokaze o izvršenim uplatama.

Sud je izvršio uvid u gore navedene dokaze o uplatama, te kako nije bilo nikakvih prigovora na prijedlog za glavnu diobu i kako je izvršena podjela sredstava predviđenih za istu donio je odluku kao u izreci rješenja u skladu sa odredbom čl. 190 Zakona o stečaju („Sl. Novine F BiH“ broj: 53/21 i 19/25), jer je prijedlog za zaključenje stečajnog postupka osnovan.

Na osnovu odredbe čl. 190. stav. 10. i 11. Zakona o stečaju rješenje o zaključenju stečajnog postupka i razlozi za zaključenje stečajnog postupka objavit će se na oglasnoj tabli suda, WEB stranici suda, Službenim novinama Federacije BiH” i dostaviti FIA-e, a po pravomoćnosti ovog rješenja Registru društava ovog suda radi brisanja stečajnog dužnika iz sudskog registra.

PRAVNA POUKA:

Protiv ovog rješenja žalba nije dopuštena, u skladu sa čl. 23.stav1., u vezi sa čl. 190 stav1. Zakona o stečaju.

Stečajna sutkinja
Sanja Pavlić